



- kosekodel:** (*kosek`odel*)
kosekodel a meseked; betok a rengalek me a delemerab er a skuul a kosekedelang.
- kosemdii:** (*kosemd`ii*)
kosemdii a mengesamd er ngii; nguu a kesemdel.
- kosemramr:** (*kosemr`amr*)
kosemramr a mengesemramr; mengertall.
- kosemremrii:** (*kosemremr`ii*)
kosemremrii a mengesemramr er ngii; kortellii.
- Kosiil:** (*kos`iil*)
Kosiil a ngklel a chei er a Oreor.
- kosir:** (*kos`ir*)
kosir a menges er ngii; mla kosir a lius, kesil.
- kosokes:** (*kos`okes*) (1)
kosokes a mengesokes; kosekesii, mla kosokes a betok el ngikel, ngikel el kesokes.
- kosokes:** (*kos`okes*) (2)
kosokes a omerek; mla kosokes a chedecholl er a ulaol; merek a chedecholl.
- kosui:** (*kos`ui*) rrodel
kosui a ungil a bul el chilt.
- kosuul:** (*kos`uul*)
kosuul a mengesuul; omulak.
- kosuulii:** (*kosuul`ii*)
kosuulii a mengesuul; mengesensang, di mo kosuulii er a ngera e mei el betok a chisel.
- kot:** (*k`ot*)
kot a ketengel; uchelel, kot el urreor, kot el sils er a rak; kot el buil.
- koteb:** (*kot`eb*)
koteb a besebes er a oreomel; koteb a kebliil er a kebeas el ultuil a kerrekar.
- koteket:** (*kot`eket*)
koteket a mengeteket; mékioud, mla koteket a babier, remuul el mo meoud.
- koteketii:** (*koteket`ii*)
koteketii a mengeteket er ngii; rulliii el mo meoud.
- kotel:** (*kot`el*) (1)
kotel a ouach; meringel a kotel a ochik.
- kotel:** (*kot`el*) (2)
kotel a uchul a delengcheklel a chedil; uchul a okedelokl; belual a delal a kotel; bliil a delal a kotel.
- kotemengii:** (*kotemeng`ii*)
kotemengii a mengetom er ngii; rullii el mo ketom, ketemengel.
- kotengellakl:** (*kotengell`akl*)
kotengellakl a telkib el kotengoll; kongesachel, ngesachel.
- kotengellel:** (*kotengell`el*)
kotengellel a kotengoll er ngii.
- kotengoll:** (*koteng`oll*)
kotengoll a telkib el tengoll; kotengellakl a diak le melemalt; kotengoll el rael.
- kotiit:** (*kot`iit*)
kotiit a mengetiit; kitiit.
- kotiko:** (*kot`iko*)
kotiko a ta er a bedengel a ngikel.
- kotkat:** (*kotk`at*)
kotkat a chorad; mengetkat; chut er a tonget a mla kotkat a bedengek.
- kotketir:** (*kotket`ir*)
kotketir a mengetkat er ngii; ketketil.
- kotom:** (*kot`om*)
kotom a mengetom; remuul el mo ketom, bedbeduul el sers a mla kotom a kamang me a oles.
- kotraol:** (*kotr`aol*)
kotraol a ta er a bedengel a mlai er a daob.
- koudii:** (*koud`ii*)
koudii a mengaud er ngii; tongetengii, loia kaud, mla mekaud a ralm.
- krasia:** (*krasi`a*) rrodel
krasia a ongreos el krasia a blebaol er a Dios el mo er a chad.
- Kristo:** (*krist`o*)
Kristo a Hesus el ngelekel a Dios.
- ksau:** (*ks`au*)
ksau a ta er a bedengel a temekai.





ksekikl

ksekikl: (*ksek`ikl*)

ksekikl a cherduch el diokang el di kirelel meksous; diak el chedelumel.

kseksall: (*kseks`all*)

kseksall a ksekikl; kirel el meksous.

kseksel: (*kseks`el*)

kseksel a ksous el ngii a ouksous er ngii.

ksid: (*ks`id*)

ksid a ta er a bedengel a kerrekar.

ksoks: (*ks`oks*)

ksoks a klekedall el usbechall er a omengsous; omengsoks; kseksel.

ksomel: (*ks`omel*)

ksomel a kirel el mekisem; mecheduib, mengisem er ngii; ksemel.

ksous: (*ks`ous*)

ksous a ksoks; klekedall el mengsous; ksous er a diokang, ksous er a deel.

ksull: (*ks`ull*)

ksull a cheled; kebliil er a kidel me a chellabed me a kmai.

kuabang: (*kuab`ang*)

kuabang a ta er a bedengel a kerrekar el kall a rdechel.

kuabes: (*ku`abes*)

kuabes a kabes; dingeronger, chutem el ulekabes; kuabes el mo er a daob.

kuabs: (*ku`abs*)

kuabs a mengabs; kobsii, kuabs a tuu, kebsel.

kual: (*ku`al*)

kual a ollumel el ulekn gall er a lius; kualul.

kualul: (*kual`ul*)

kualul a kual er ngii el melenges; bliil a chemadech.

kuaol: (*ku`aol*)

kuaol a mekekerei el ngikel el ko er a mekebud e ng di ngar er a ngoaol; ungil el uaol er a omengereel.

kuat: (*ku`at*)

kuat a ta er a bedengel a kerrekar.

kubelngur: (*kubelng`ur*)

kubelngur a mengebelung er ngii, rullii el mo kebelung.

kubiang: (*kubi`ang*)

kubiang a ebakl er a desachel; omelasech el mlai me a blai.

kud: (*k`ud*)

kud a mekekerei el charm el kiei a bedul, kdaol a betok a kdul.

kudall: (*kud`all*)

kudall a kirel el mekaud; melecha kaud, koudii a ralm, kmaud a bong, kudel.

kudel: (*kud`el*)

kudel a kaud er ngii el bong.

kudem: (*k`udem*)

kudem a kdemel; mekudem el dellomel.

kudmeklii: (*kudmekl`ii*)

kudmeklii a mangedmokl er ngii el ngalek.

kudmoki: (*kudm`okl*)

kudmoki a mangedmoki; meruul, kudmoki a kelir a rengalek; kedmeklel a kall.

kudngir: (*kudng`ir*)

kudngir a meruul er ngii el mo kedung; mangedung er ngii; kudngir a ngalek.

kudung: (*kud`ung*)

kudung a mangedung; mangedmoki, kudung a madlechad.

kuekuall: (*kueku`all*)

kuekuall a kirel el mekuoku; kiukuui a ngalek, kiuoku a babirengel, kiukuel.

kuekuel: (*kueku`el*)

kuekuel a kuoku er a bdelul.

kuel: (*ku`el*)

kuel a ta er a bedengel a suebek el charm.

kuemed: (*ku`emed*)

kuemed a mengemed; mengeed, merasm a mechut el bail, kemedel.



**kui: (k`ui) (1)**

kui a kerrekar er a ked.

kui: (k`ui) (2)

kui a klalo el dechor el omeketakl
a oliochel er a chutem me a bebil.

kuideb: (ku`ideb)

kuideb a mengideb; oldak,
chemudel, kemeldiil a kuideb a
betok el mad, kdebel.

kuimd: (ku`imd)

kuimd a mengimd; kuimd a
cheiul, kemdel a chui.

kuisem: (ku`isem)

kuisem a mengisem; mangeduib,
omekord el oba ebakl.

kuk: (k`uk) (1)

kuk a omech a tekoj; ng kuk ker?
ng kuk ngera soam? ng kuk ngii!

kuk: (k`uk) (2)

kuk a kekul a chim me a ouach;
menguld el olab a kekul.

kukau: (kuk`au)

kukau a techel a dait; kukungel.

kukesur: (kukes`ur)

kukesur a mengkas er ngii el olab
a kekul; kekesul a sokel.

kukuk: (kuk`uk)

kukuk a klukuk; kukuk me a bo le
ngiaos e ng di ungil.

kukungel: (kukung`el)

kukungel a kukau er ngii;
klebngel.

kukur: (kuk`ur)

kukur a menguk er ngii.

kuld: (k`uld)

kuld a omenguld; kuldii, osiu a
kekul er ngii; kmuld, keldel a
ngalek.

kuldii: (kuld`ii)

kuldii a menguld er ngii el olab a
kekul.

kulebsengii: (kulebseng`ii)

kulebsengii a mengelebus er ngii;
omkecharem er ngii.

kuling: (kul`ing)

kuling a ta er a bedengel a kitelel;
ko er a kesebekuu.

kull: (k`ull)

kull a rekdal a chelehad el tebull
er a buld, kull a ulkel, kull a medal
a bdelul; tebull.

kullii: (kull`ii)

kullii a mengull er ngii; kullii a
Chelid me a chad; melengmes.

kulukel: (kul`ukel)

kulukel a rekdal a ulk; chebirukel
a chiuis; omulk, kulukel a
ulkel.

kulul: (kul`ul)

kulul a besebes el melemiakl a
kerrekar; kulul a mengetireuir,
mengetelaol a rechad.

kumer: (k`umer)

kumer a ta er a bedengel a
kerrekar.

kumreu: (kumr`eu)

kumreu a bek el mekemanget el
charm el omor a ulul a loraal.

kung: (k`ung)

kung a tekoi el oumesingd el
merekui a omengedecheduch;
mechikung, becherei kung, doraal
kung, de kasmesumech kung.

kuoku: (ku`oku) (1)

kuoku a klekedall er a blai me a
bai; menguoku a ulaol, kuekuel.

kuoku: (ku`oku) (2)

kuoku a cheleheloul er a budel a
bedul, ngalek a kuoku a bdelul,
kuekuel.

kuoll: (ku`oll)

kuoll a kirel a omengull; kullii a
Chelid, kmull a uldesuel a chad,
kmull a ilteet; omerreder a kuoll.

kuom: (ku`om)

kuom a mengom; melebes,
meleber, komngii a chelechedal a
tuu; kuom a buuch, kemngel.


kurangd: (kur`angd) (rrodel)

kurangd a blil a klekool; oililaol.

kurekersii: (kurekers`ii)

kurekersii a kursii; mesisiich el
oltamet; mengeskurs er ngii, bulis
a mla kurekersii a dengerotk.





kurob

kurob: (kur`ob)

kurob a klalo el usbechall er a bedeel a bduu.

kurs: (k`urs)

kurs a secher el mengurs; kurs a ngerel, kurs a medal; mengeskurs.

kursii: (kurs`ii)

kursii a mengurs er ngii; otemetii, kursii a telemall el mlai.

kurtii: (kurt`ii)

kurtii a mengurt er ngii; kurtii a rengul er a soal; okemetii; olekebai er ngii, kertel a reng.

kurudok: (kurud`ok)

kurudok a klekedall el melekau er a orull er a bilas me a bos.

kusakl: (kus`akl)

kusakl a ngmodech; metemall, mla kusakl a babier?

kusarang: (kusar`ang)

kusarang a oliich; ongisb er a kall, kusarang er a blengur.

kusekllii: (kusekl`ii)

kusekllii a mekera er ngii; ke mla kusekllii a ngalek me ng lmangel?

kusel: (kus`el)

kusel a kuus er ngii, kusel a tolechoi a er a diil.

kuteling: (kutel`ing)

kuteling a uchei, bedul, kuteling er a mlai me a bilas; kutelngal.

kutelngal: (kutelng`al)

kutelngal a kuteling er ngii.

kuub: (ku`ub)


kuub a mengub; oldak, mla kuub a lius.


kuudem: (ku`udem)

kuudem a mengudem; remuul el mo mekudem; kudemii, kuudem a delemel a dait, kdemel.

kuus: (k`uus)

kuus a bliil a tolochoi er a diil; kusel.





lab: (l`ab)

lab a kerrekar el besebes a budel e dirrek el usbechall er mo cheriut.

labek: (l`abek)

labek a ringel daob el obengkel a meses el eolt me a mesisiich el berius.

lai: (l`ai) (1)

lai a delongelel a buk me a buk; lai er adeb, lengel a bambuu.

lai: (l`ai) (2)

lai a teberoi; delongelel a buk me a berober; lengel a ouach, bekelai a mekemanget a tebaringel.

laiib: (la`iib)

laiib a ta er a bedengel a suebek el charm.

lak: (l`ak)

lak a diak, a lak kau e a kmekerang; lak beskak a udoud e ng diak kurael.

lalech: (l`alech)

lalech a osechel a burek me a kltkat; ngar ngii a lalech er a chimak el oburek; ochil el bduu a omeklalech, llechel.a ouach el bduu.

lalo: (l`alo)

lalo a rachel el cheliraro el meriou; raod el mekebekabes a lalo, lloel.

lambang: (lamb`ang) rrodel

lambang a ochur; olangch er a klalo; lambang er a telechull.

lambei: (lamb`ei) rrodel

lambei a olbidel el chetekill.

langel: (l`angel)

langel a lmangel; langel er a rinel; lmangel er a kodall; longelii a ulekoad; lengelel.

laok: (l`aok)

laok a cheluch, melaok a babii laok er a babii a oumangtekang, lekel a bdelul a mesekuuk.

las: (l`as)

las a ta er a bedengel a kerrekar.

latael: (lat`ael) rrodel

latael a llechukl er a Latin (rrodel)

latk: (l`atk)

latk a omelebedebek; omelatk; melatk, lotkii a bechil, lmatk, ltkel.a irechar.

lbolb: (lb`olb) rrodel

lbolb a meklou el charm; wolf (rrodel).

ldall: (ld`all)

ldall a omelud; melud er ngii.

ldao: (ld`aol)

ldao a ldall.

ldesel: (ldes`el)

ldesel a omeledes er ngii, meledes, melamet er ngii.

ldu: (ld`u)

ldu a uchul; a ldu ke dilung, a ldu ke kilengei.

leb: (l`eb) (2)

leb a lebleb; leblebul; melebleb; llel a deb a ngar ngii a leb er ngii.

leb: (le`b) (1)

leb a rur; chad el merur ngar ngii a leb er a bedengel; molekoi er a ngii me le mengai a leb er a bedengel e bel tuu.

lebelul: (lebel`ul)

lebelul a omelebal er ngii; melebal.

lebeluul: (lebel`uul)

lebeluul a kirel el melebal; mellib; ngalek a lebeluul a chimal, lobelur, loba, meriso, lebelul a chimal.





lebleb

lebleb: (*lebl`eb*)

lebleb a leb; leblebul a llel a deb.

leblebul: (*lebleb`ul*)

leblebul a leb er ngii; melebleb.

lebuchel: (*leb`uchel*)

lebuchel a medebechel a ngloik; bluu, meteet a ngar er a lebuchel er a ngloik.

lechalech: (*lech`alech*)

lechalech a chelsel a klou el oreomel el cheroid er a beluu.

lechedall: (*leched`all*)

lechedall a kirel el meloched; dobesii, lochedii, lmoched, tengetengel a rael a lechedall.

lechelechall: (*lechelech`all*)

lechelechall a kirel el melecholech; lecheluchel, luchelechii a kerrekar, tukur, dobesii, lechelechel.

lechelechel: (*lechel`echel*) (2)

lechelechel a lechalech er ngii.

lechelechel: (*lechelech`el*) (1)

lechelechel a omelechalech er ngii; sobesii, tukur.

lecheluchel: (*lechel`uchel*)

lecheluchel a lechelechall.

lechengaol: (*lecheng`aol*)

lechengaol a kirel el modars; kles a lechengaol er a bai; loiang, lochang.

lechesall: (*leches`all*)

lechesall a kirel meluches; lechukl, babier a lechesall

lechesel: (*leches`el*)

lechesel a omeluches er ngii; meluches.

lechet: (*l`echet*)

lechet a besebes el melechet; merenged, mesaur, lochetii, lmechet a telechull.

lechetall: (*lechet`all*)

lechetall a kirel el melechet; lochetii, lmechet a klalo.

lechidel: (*lech`idel*)

lechidel a lechedall.

lechotel: (*lech`otel*)

lechotel a lechetall.

lechub: (*lech`ub*)

lechub a melekoi er a mengodech me a mlengodech; renguk ke mla mo ourreor e a lechub e ke mechiuaiu; ke mo ourreor a lechub e ng diak?

lechukl: (*lech`ukl*)

lechukl a kirel el meluches; luchesii a babier, lmuches a ildisel a udoud; lechesel.

lechukung: (*lechulk`ung*)

lechukung a urrenguul; oureng, lechukung me a kmengai er a urreor.

ledes: (*l`edes*)

ledes a chelades el real el mo er a blai.

ledesall: (*ledes`all*)

ledesall a kirel el meledes; kirel el metamet; lodesii a chimal, lmedes a ochil, ldesel.

ledokl: (*led`okl*)

ledokl a ledesall.

lekel: (*lek`el*)

lekel a laok er ngii elbabii.

leko: (*lek`o*)

leko a melekoi a meldung; a leko kede "mo er a chei;" a leko "ngar ngii a cheldecheduch er a bai."

lemau: (*lem`au*)

lemau a mekekerei el toachel el urrebet er akereker.

lemelemall: (*lemelem`all*)

lemelemall a kirel melelemem; diak lemeterob, urreor a lemelemall, lomelemii a urreor; lomolem, lemelemel.

lemelemel: (*lemelem`el*) (1)

lemelemel a ua kllemengtcl; metongakl el ngalek el di lemelemel a chedecholl.

lemelemel: (*lemelem`el*) (2)

lemelemel a omelemolem er ngii; melelemem, lomelemii a omerolel.

lemlak: (*leml`ak*)

lemlak a okmo ng dimlak; lemlak kau e ak riros.



lengel: (*leng`el*)

lengel a lai er ngii el bambuu.

lengelel: (*leng`el*)

lengelel a langel er ngii el ngalek.

lengiil: (*leng`iil*)

lengiil a bedoel; kirel el meleng;
kirel obed a udoud el mo cheral a
mlai; lengiil a udoud er a
bank.

lengulel: (*lengul`el*)

lengulel a languul er ngii.

lenguul: (*leng`uul*)

lenguul a melang; tmelang.

letkel: (*letk`el*)

letkel a omelatk er ngii;
melatk.

lidel: (*lid`el*)

lidel a biskelengel; biskang.

liechel: (*liech`el*)

liechel a omeliich er ngii el lius;
meliich er a lius.

liechii: (*liech`ii*)

liechii a meliich er ngii; nguu er
a ulekn gall.

lik: (*l`ik*)

lik a klalo el melik, ngar a eungel;
kilkuld a lkil a ngimes; lik er a
olekang, likir, lmik.

likir: (*lik`ir*)

likir a melik er ngii.

lild: (*l`ild*) (1)

lild a uai a bambuu e ng di
mekekerei el usbechall el ordemelel a
biskang.

lild: (*l`ild*) (2)

lild a biskang; lild a usbechall er a
burech; omurech a ngikel.

lilisel: (*lilis`el*)

lilisel a bechelelu er a ngais.

limoll: (*lim`oll*)

limoll a kolekel; ketekeakl e
remurt, rengineasek a mla limoll el
mo er a bai.

lingall: (*ling`all*)

lingall a kirel meling; bsebsall,
lingir a beached; msebsii a bechad
el mo lling.

lingir: (*ling`ir*)

lingir a meling er ngii, rullii el
mo chemars; metetoech.

liochelel: (*li`ochel*)

liochelel a kirel el meliich; mengai a
techel er a ulekn gall; lius a liochelel,
liechii, lmiich, lichel.

lisel: (*lis`el*)

lisel a lius el ngii. a oulius.

lius: (*l`ius*)

lius meklou el kerrekar el
ourodech; lius a kall e ilumel a
rdechel.

lkes: (*lk`es*)

lkes a belkes er a kereker. lkes a
bluotel el bertakl.

lkiil: (*lk`iil*)

lkiil a kirel el melik; loa lkil; likir a
chelais er a ngimes, lmik, lkil.

lkil: (*lk`il*)

lkil a omelik er ngii, melik.

lkou: (*lk`ou*)

lkou a dekedekel a bedul; oulkou,
lkungel.

lkungel: (*lkung`el*)

lkungel a lkou el ngii. a ouklalo er
ngii.

llach: (*ll`ach*) (1)

llach a kelulau; llach a tekoi el
kldung el mangedmokl a blai me a
beluu; llach a rruul el ultutelir a
rechad, rechad a kirir el orrenges a
llach; llechul a bekall me a omerael
er a rael.

llach: (*ll`ach*) (2)

llacha okedong el olab a chim ngau
a lechub e ng mamed; telemall el
bilas a melecha er a llach el
omekedong; olab a chim el
ouellach el omekedong.

llall: (*ll`all*)

llall a delang; chelitakl el omtelub;
e oungelakel; llellet a sechelicid.

llaokerreng: (*llaokerr`eng*)

llaokerreng a melaok a rengul
bechiil e ousau er a ngodech el
chad a ngar er a llaokerreng.



llatk

llatk: (*ll`atk*)

llatk a mla lmatk; mla dobedebek.

llebal: (*lleb`al*)

llebal a mla melebal; telllib a chimal; llobal a chimal, lobelur, meleball.

llechang: (*llech`ang*)

llechang a mla melechang; mla mo mechei; lochang, kles er aklechedaol a llechang; mla mong.

llecheklel: (*llechekl`el*)

llecheklel a ngii a liluches; melluches.

llechel: (*llech`el*)

llechel a lalech er ngii el kltkat.

llecheloched: (*llechel`oched*)

llecheloched a mla melecheloched; betek el llochod.

llecheluches: (*llechel`uches*)

llecheluches a mla melecheluches; betek a llechukl er ngii.

llechet: (*ll`echet*)

llechet a selaur; mla melechet; llechotel, rrengodel, lochetii, lmechet, lechetel.

llechidel: (*llech`idel*)

llechidel a mla meloched; llochod, delebes, lochedii, lmoched a deleongel.er a beluu.

llecholech: (*llech`olech*)

llecholech a mla melecholech; teluk, delebes, luchelechii, lucholech a kerrekar.

llechotel: (*llech`otel*)

llechotel a llechet.

llechukl: (*llech`ukl*) (1)

llechukl a ikakid **a e i o u**, llechuk el ochur **1 2 3 4 5**.

llechukl: (*llech`ukl*) (2)

llechukl a lluches; mla meluches, llach a llechukl er a babier, luchesii, lmuches, lechesel.

llechul: (*llech`ul*) (2)

llechul a llach er ngii el beluu.

llechul: (*llech`ul*) (1)

llechul a uluil; ngar ngii a llechul a ochil a chad er a chelechol; omdid a uluil a ochil a uel er a chelechol.

llechuul: (*llech`uul*)

llechuul a ulsisechakl er a tekoilkldung; mlokeroul er a chelsel a omellach; me a chelleoch; mellach er ngii, luchur er a blai.

lledeledes: (*lledele`edes*)

lledeledes a mele malt a mla meledes; llemolem; llmedes a ochil, lodesii a chimal.

lledes: (*ll`edes*)

lledes a telamet; mele malt, lledokl, mla meledes, llemolem, lodesii; llmedes, lledes a ochil.

lledokl: (*lled`okl*)

lledokl a lledes.

llei: (*ll`el*)

llei a llel a kerrekar; lius a ngar er ngii a llel; llel a babier, llel a tuu.

llemalt: (*llem`alt*)

llemalt a mele malt; diak le chebirukel; llemalt el omeruul er a buai a omudech er a beluu; llemeltel.

llemeltel: (*llemelt`el*)

llemeltel a llemalt er ngii; ungil el omerreder a msa llemeltel a ta me a tang.

llemesel: (*llemes`el*)

llemesel a llomes er ngii; llemesel a reng, llemesel a sils; buil a omekllomes.

llemolem: (*llem`olem*)

llemolem a telamet; mla mele molem; lemelemel, lilemelemii a skuul a mlo er a ullebongel; llemolem a skulel, bambuu a llemolem er a rael.

lleng: (*ll`eng*)

lleng a bled; beldoel; mla meleng; ududel a lleng, longir, lmeng, lengil a udoud.

lletengel: (*lleteng`el*)

lletengel a lletul er ngii el olbidel.

lletul: (*llet`ul*)

lletul a llut; lletengel a kmard.

llich: (*ll`iich*)

llich a mla meliich; nglai er a ulekgall, lius a llich, liechii, lmiich.



**llik:** (*ll`ik*)

llik a ngar er ngii a lkil; mla melik;
likir a chelais, lmik a blil a kall.

llilitel: (*llilit`el*)

llilitel a lliliut er ngii; meliliut.

lliliut: (*llil`iut*)

lliliut a kllungel a meleliut er ngii.

lling: (*ll`ing*)

lling a mla meling; chemars, ngar
er ngii a blsibes; lingir, lming, lling
el olekang.

llitokl: (*llit`okl*)

llitokl a meringel el daob el omtok
er a berius.

lloched: (*ll`oched*)

lloched a llechidel.

llomes: (*llom`es*)

llomes a didiich el omekllomes;
llemesel a sils me a buil.

lluches: (*ll`uches*)

lluches a mla meluches; llechukl,
lmuches a cheldechedechal er a
babier, luchesii, lechesel.

llud: (*ll`ud*)

llud a mla ludur; melud er ngii.

lluich: (*ll`uich*)

lluich a ochur (20), lluich el
klebesei, lluich el ngalek.

llut: (*ll`ut*)

llut sel kmard er a olbidel, lletul.

lmangel: (*lm`angel*)

lmangel a langel, mekngit a rengul
a lmangel, longelang, longelii,
lengelel a ngalek.

lmatk: (*lm`atk*)

lmatk a dobedebek; lotkang; diak
lobes, ak mla lmatk a klumech,
lotkii, ltkel.

lmechet: (*lm`echet*)

lmechet a melechet; mesaur a
billum; lechetel a chimal.

lmedes: (*lm`edes*)

lmedes a meledes; melamet,
tuamet, lmedes a chimal me a
ochil; ldesel.

lmel: (*lm`el*)

lmel a ralm er ngii; lmel a klengoes.

lmeng: (*lm`eng*)

lmeng a meleng; omed, mla lmeng
a udoud er a bank, lengil.

lmiich: (*lm`iich*)

lmiich a meliich el oba oles el
ometikel a techel, lmiich a lius.

lmik: (*lm`ik*)

lmik a melik; locha lkil el kilkuld;
lmik a sualo, lkil a sualo.

lming: (*lm`ing*)

lming a meling; remuul el mo
chemars; mo metetoech.

lmoched: (*lmo`ched*)

lmoched a meloched; duebes,
lechedel a kerreel.

lmuches: (*lmu`ches*)

lmuches a meluches; lmuches a
ngakl el rokui, lexhesel.

lmuk: (*lm`uk*)

lmuk a luk; mtekii a ngerel; diak
lolekoii.

lmuut: (*lm`uut*)

lmuut a mo e mei; chuieuii a
babier e lmuut el menguii er ngii.

lob: (*l`ob*)

lob a meklou e chuodel merangd
merangd.

lobal: (*lob`al*)

lobal a melebal; meriso a chimal,
mla lobal a chimal.

lobelur: (*lobel`ur*)

lobelur a melebal er ngii.

locha: (*loch`a*)

locha a oumededenger; ng locha
mo er a skuul er a Oreor; diak el
sal medengei.

lochang: (*locha`ng*)

lochang a melechang; lochang,
omechei, mesuk a udoud er a
olsechelel.

lochedbuil: (*lochedb`uil*)

lochedbuil a diak a buil; milkolk,
keremerem.

lochedii: (*loched`ii*)

lochedii a meloched er ngii.melebes.

lochetii: (*lochet`ii*)

lochetii a melechet er ngii.





lochur

lochur: (*loch`ur*)

lochur a mellach er ngii.

lodesii: (*lodes`ii*)

lodesii a meledes er ngii.

loiang: (*loi`ang*)

loiang a melechar ngii; loiang a ududel, ak mla loiang.

lolo: (*l`olo*)

lolo a ta er a bedengel a kerrekar.

loloi: (*lol`oi*)

loloi a dellomel er a dechel el ko er a such.

lomelemii: (*lomelem`ii*)

lomelemii a melelem er ngii; lomelemii a omerolel.

lomeserreng: (*lomeserr`eng*)

lomeserreng a mellomes a rengul; meduch, bekudasu, mellomes el chad; llemesel a reng.

lomolem: (*lom`olem*)

lomolem a melelem; ngalek a mla lomolem a soal, lemelemel.

longelang: (*longel`ang*)

longelang a mocha lmangel; rengalek a longelang.

longelii: (*longel`ii*)

longelii a lmangel er ngii.

longelung: (*longel`ung*)

longelung a mochu lmangel.

longir: (*long`ir*)

longir a meleng er ngii.

lot: (*l`ot*)

lot a ulad er a diil.

lotkii: (*lotk`ii*)

lotkii a melatk er ngii; kulebes er ngii e kuk lotkii.

lsal: (*ls`al*)

lsal a kmal, e ng di diak el sal meses; mengitakl e diak el sal ungil a chiklel.

lsechel: (*lsech`el*)

lsechel a lusech er ngii; melusech.

lsekum: (*lsek`um*)

lsekum a oumededenger; locha, lsekum e ng mo chull e ng diak bo er a mesei.

ltang: (*lt`ang*)

ltang a locha; a lta e ng mo sebechel; lta e ng mo ungil besul.

ltel: (*lt`el*)

ltel a luut er ngii; mo lmuut el mei.

ltkkel: (*ltk`el*)

ltkkel a omelatk er ngii; melatk.

ltukel: (*lt`ukel*)

ltukel a kirel a omelatk; ungil a omerellel el chad a ltukel; klou a omelatk el kirel; kedung el chad a ltukel, ltkkel.

luar: (*lu`ar*)

luar a meluu er ngii.

luchel: (*luch`el*)

luchel a kerasem el duubech er a rur me a dakd me a kerrasem; ngmasech a luchel er a rrengel, ngmasech a luchel er a dekdal.

luchelechessii: (*luchelechess`ii*) (1)

luchelechessii a melecheluches er ngii; ko er a di omes ku er ngii.

luchelechessii: (*luchelechess`ii*) (2)

luchelechessii a mekekakil el meluches; melecheluches er ngii.

luchelechii: (*luchelech`ii*)

luchelechii a melecholech er ngii.

lucheluches: (*luchel`uches*)

lucheluches a melecheluches a betok el babier.

luchesii: (*luches`ii*)

luchesii a meluches er ngii.

lucholech: (*luch`olech*)

lucholech a melecholech; lucholechii a kerrekar.

ludur: (*lud`ur*)

ludur a melud er ngii.

luuil: (*lu`uil*)

luuil a ulekoad el merangd.

luk: (*l`uk*)

luk a lmuk; diak a tekingel.

lukel: (*luk`el*)

lukel a luuk er ngii; lukel a charm.

Lukilei: (*lukil`ei*)

Lukilei a beluu (Papua New Guinea)



**luleu: (lul`eu)**

luleu a kebliil er a kesebekuu el
kiei a delul a bad me a merangd.

lulk: (l`ulk)

lulk a ta er a bedengel a kerrekar.

lung: (l`ung) (1)

lung a ta er a bedengel a ngikel.

lung: (l`ung) (2)

lung a chad el kesai a tekingel;
cheklmuk.

lungribtal: (lungribt`al)

lungribtal a ta er a bedengel a
ngikel.

lusech: (l`usech)

lusech a melusech; klengeltengat,
beluu er a Belau a melusech el
meakl.

luuk: (l`uuk)

luuk a klalo el bliil e omekeroul er
a okedeldaol; lukel a charm a
mengedmokl er a ngar; lukel a
ngalek er a delel a delal.

luukengar: (luukeng`ar)

luukengar a olsechall er a ngii di
el ngar; chesel me a meleliuekl e
klickiid el chutem me a beches el
eolt, mechellings el daob, ralm a
ungil el lukel a outeliil; mekdubech
e mekeroul a klengar er a chad,
charm, ngikel, kerrekar me a
rokui el ngar a kiei er ngii.

luut: (l`uut) (1)

luut a mong e lmuut el mei.

luut: (l`uut) (2)

luut a ta er a bedengel a cheled el
ko er a bukitang e ng di mekekerei.





lufan: (lut en)
 lufan a fehill er a kesekuan el
 kiet a delu a bad me a menand
 lulk: (l'ult)
 lulk a ta er a bedengel a kema
 lung: (l'ung) (1)
 lung a ta er a bedengel a ngiel
 lung: (l'ung) (2)
 lung a chad el kesi a tekngel
 chesimuk
 lunghtal: (lunght'at)
 lunghtal a ta er a bedengel a
 ngiel
 lusech: (l'usoch)
 lusech a melusech; klangentengat
 belu er a Belu a melusech el
 meak
 lusk: (l'usk)
 lusk a klato el dil e omekou er
 a okedbas; lusk a chann a
 mengedmol er a ngat; lusk a
 ngak er a delu a delu
 luskengat: (luskeng'at)
 luskengat a oschall er a ngil di
 el ngat; chisel me a melusech e
 klid el chutem me a beches el
 eot; mehellings el daop; tam a
 ngil el lusk a outell; mekubech
 e mekou a kengat er a chad
 chann; ngiel; kema me a
 toku el ngat a kiel er ngil
 lusk: (l'usk) (1)
 lusk a mong e lmut el mel
 lusk: (l'usk) (2)
 lusk a ta er a bedengel a chiel el
 ko er a bukang e ng di mekerei





mached: (*m`ached*)

mached a omached; tuktuk;
mached a kukau, mechedii, bechedel.

machediil: (*mached`iil*)

machediil a omachediil; bachediil,
machediil a berul, bachedilel.

machedilii: (*machedil`ii*)

machedilii a omachediil er ngii;
mekngit a delel me ng mekudem
el chemei; medemedemek a dechil.

machel: (*m`achel*)

machel a omachel; melebtib,
machel a idungel, mechelii,
bechelel a idungel.

machod: (*mach`od*)

machod a ochur (10); iai, itiu,
machod.

mad: (*m`ad*) (1)

mad a klekedellel a chad el omes;
olab a ues; klidm, chelsul a mad,
bsechel a mad, medal.

mad: (*m`ad*) (2)

mad a mo diak a telil; kodall,
medei, mla mad, diak el outeliil,
kodellel.

mad: (*m`ad*) (3)

mad a chetelaol er a rrom; mad er a
rrom; kodellel a ilumel.

madedok: (*maded`ok*)

madedok a ralm el omiis el me
tuobed er a chutem; risois.

madel: (*m`adel*)

madel a omadel; melai, mla madel
a diokang, dait, medelii, bedelel.

madelchad: (*madelch`ad*)

madelchad a kloleklel a mlad;
oumadelechad a kloleklel a
demak.

madelcharm: (*madelch`arm*)

madelcharm a ta er a bedengel a
ngikel er a ngeuaol.

madeldirk: (*madeld`irk*)

madeldirk a dirk er a iko, meiko a
oumadeldirk.

madeldmuil: (*madeldm`uil*)

madeldmuil a meringel mengiil;
di omes er a dmuil el mengiil er a
recheldebechel.

mades: (*m`ades*)

mades a omades; omechobech, mla
mades a kingall, medesii, bedesel
a kingall.

madk: (*m`adk*)

madk a omadk; medir, omadk er a
meluchel, medkak, loia obreed el
telechull er a bdeluk, bedkel a chad.

Madrengebuked: (*madrengeb`uked*)

Madrengebuked a kebekuul; dial a
bdelul a beluu er a Ngaraard.

mahobing: (*mahob`ing*) (rrodel)

mahobing a blil a mekeald.

mahongani: (*mahong`ani*) (rrodel)

mahongani a ta er a bedengel a
kerrekar.

maidui: (*maid`ui*)

maidui a chemaidechedui;
mekekerei el charm el melemiaki
a kerrekar.

maais: (*ma`iis*) (rrodel)

maais a ta er a bedengel a dellomel;
kall a rdechel.

mail: (*m`ail*)

mail a omail; locha bilel, mla mail
a billum, milii.

mais: (*m`ais*)

mais a omais; meu, chemiud a
medal, mla mais a oles me a
kamang, bisel a oles.

mak: (*m`ak*) (1)

mak a omak; orebetii a oak me ng
diak loraal, mak a mlai me a bilas,
mekur a mlai, loia a okul.





mak

mak: (*m`ak*) (2)

mak a tedobech er a chimo el kluk \$1.00; mak a okeim el sengs.

mal: (*m`al*)

mal a omal; mengas a reng, duch er ngii er a urreor a mal a rengmam, melengii, belengel a rengul.

malech: (*m`alech*)

malech a omalech el olab a balech; melechii; malech a belochel, ngikel, belechel.

malechianged: (*malechi`anged*)

malechianged a ta er a bedengel a ongerekur; kerrekar.

malek: (*m`alek*)

malek a omalek; melodech a bedengel, malek a such, ulalek.

malikeluu: (*malikel`uu*)

malikeluu a diak el uldasu a omerellel el chad; klebelung el blekeradel; di oumalikeluu er a beluu e diak lourreor.

malk: (*m`alk*)

malk a ta er a meklou el suebek el charm; malkeblai, malkureong.

malkeblai: (*malkebl`ai*)

malkeblai a ulekeroul er a blai el malk.

malkureomel: (*malkure`omel*)

malkureomel a malk er a oreomel.

malong: (*mal`ong*)

malong a ochur (6); elolem, kllolem.

mamed: (*mam`ed*)

mamed a klalo el mo bail; usbechall er a bebil er a klalo, memedel.

maml: (*m`aml*)

maml a ta er a bedengel a ngikel el meklou e melaok.

mams: (*m`ams*)

mams a mekeke rei el ngikel el mekekerei er a mekebud.

mangch: (*m`angch*)

mangch a omangch; osiu a ungelel e mengiok; mengchii, tolechoi a mangch a tut; bengchel a tut.

mangidab: (*mangid`ab*)

mangidab a ta er a bedengel a bubuu.

mangl: (*m`angl*)

mangl a omangl; torob, tereter er a Belau a mla mangl a omilil er a regebard, benglel.

mangtekang: (*mangtek`ang*)

mangtekang a cheluchul a charm; a lekel a babii a oumangtekang me ng medecherecher.

maol: (*m`aol*)

maol a omaol; omekedong; omelim el rrom a maol a klakoad.

mar: (*m`ar*) (1)

mar a omar; mengelebed; mengesuar, mar a mederir, merengii, berengel.

mar: (*m`ar*) (2)

mar a ta er a bedengel a mardingaol.

mardingaol: (*marding`aol*)

mardingaol a ta er a bedengel a kesebekuu.

marech: (*m`arech*)

marech a omarech; marech a chimal er a ralm; lochang, merechii, berechel a chim.

marek: (*m`arek*)

marek a ngeliokl; diak lechemadech; marek el kukau, marek el bobai, tuu; rekel.

Marsial: (*marsi`al*)

Marsial a chimo er a beluu er a Pacific.

mart: (*m`art*)

mart a omart; mertii a babier, mart a udoud, bertel.

martilengel: (*martileng`el*)

martilingel a martiliong er ngii.

martiliong: (*martili`ong*)

martiliong a klekedall er a omeleot; orot er a deel, martilengel.

masech: (*m`asech*) (1)

masech a ta er a bedengel a ngikel.

masech: (*m`asech*) (2)

masech a omasech; omechur, mla masech a sils, msechii, besechel.



- mases:** (*mas`es*)
 mases a seuis; klekedall el
 omekard a ngau, masesengel.
- masesengel:** (*maseseng`el*)
 masesengel a mases er ngii.
- mat:** (*m`at*)
 mat a omat; mla mat a ngeliokl;
 mat a olekang er a ingukl; metir,
 otil a ngeliokl.
- matakui:** (*matak`ui*)
 matakui a ta er a bedengel a
 kerrekar er a ked.
- matang:** (*mat`ang*) rrodel
 matang a sarumata; matelengel.
- matelengel:** (*mateleng`el*)
 matelengel a matang er ngii.
- matib:** (*mat`ib*)
 matib a ta er a bedengel a kerrekar
 el kall a rdechel.
- matmatong:** (*matmat`ong*)
 matmatong a ta er a bedengel a
 ngloik; oumatmatong.
- matukeoll:** (*matuke`oll*)
 matukeoll a ta er a bedengel a
 chedeng.
- mchadu:** (*mch`adu*)
 mchadu a omchadu; mchadu a
 mamed, mcheduui a ngikel er a
 ngau, ocheduel.
- mchaet:** (*mch`aet*)
 mchaet a omchaet; locha uchaet er
 ngii, mchetii, uchotel.
- mchais:** (*mch`ais*)
 mchais a ouchais; ocholt,
 olecholt; mla mchais a berrotel
 el tekoi; tulechoid, mchisii,
 uchisel.
- mchederibii:** (*mchederib`ii*)
 mchederibii a omchederiib er ngii;
 olechetekl; olechoid, mkisii.
- mchederiib:** (*mcheder`iib*)
 mchederiib a omechederiib
 ochetekl; ochoid, mechederiib a
 blai, klalo, ochederibel.
- mcheduui:** (*mchedu`ii*)
 mcheduui a omchadu er ngii;
 mchadu.
- mcheleuii:** (*mcheleu`ii*)
 mcheleuii a omecholo er ngii;
 melai a cholo.
- mchetemii:** (*mchetem`ii*)
 mchetemii a msa chetemel;
 omechutem er ngii, dongchii er a
 chutem.
- mchetii:** (*mchet`ii*)
 mchetii a omechaet er ngii; loa
 uchaet.
- mchibii:** (*mchib`ii*)
 mchibii a omchiib er ngii; nguu a
 dekedekel.
- mchiib:** (*mch`iib*)
 mchiib a omchiib; mkais a
 dekedekel, mchibii.
- mchisii:** (*mchis`ii*)
 mchisii a ouchais; olecholt;
 mererii, mla mchisii a meang el
 chais.
- mcholo:** (*mch`olo*)
 mcholo a omecholo; ngmai a
 cheleuel, mcholo a ngikel, mcheleuii.
- mdach:** (*md`ach*)
 mdach a omdach; uldach, meringel
 el urreor a mdach a bedenged,
 mdechur, udechul.
- mdalem:** (*md`alem*)
 mdalem a omdalem; mekle malt;
 uldalem, mdalem a bosir,
 mdelemii, udelemel.
- mdaob:** (*md`aob*)
 mdaob a omdaob; locha daob, sar,
 mdaob a klengoes, mdebii, udebel.
- mdasu:** (*md`asu*)
 mdasu a omdasu; dobedebek,
 mdasu a ungil el omeruul,
 mdesuii, udesuel.
- mdebii:** (*mdeb`ii*)
 mdebii a omdaob er ngii; locha
 daob, mserengii.
- mdechel:** (*mdech`el*)
 mdechel a mudech er ngii; a
 smecher a mudech a killel.
- mdecham:** (*md`echam*)
 mdecham a omdecham a charm;
 oreked, mdechamii, udechamel.



mdechেমii

mdechেমii: (*mdechেম`ii*)

mdechেমii a omdechেম er ngii; orkedii.

mdechii: (*mdech`ii*) (1)

mdechii a omudech er ngii; a smecher a mudech a klllel; mdechel.

mdechii: (*mdech`ii*) (2)

mdechii a omudech; rullii a budech, merreder a mla mdechii a beluu, bdechel.

mdechur: (*mdech`ur*)

mdechur a omdach er ngii; olebedii a bdelul, uldechuul.

mdechur: (*mdech`ur*)

mdechur a omdach er ngii; tomellii, udechul.

mdedমii: (*mdedম`ii*)

mdedমii a omdidম er ngii; berrotel e mesang, mdidম a berotel, udedমel.

mdelemii: (*mdelem`ii*)

mdelemii a omdalem er ngii; rullii el mo melemalt

mdengii: (*mdeng`ii*)

mdengii a omid er ngii; blid, bdengel; mo chebirukel.

mderengii: (*mdereng`ii*)

mderengii a omdor er ngii er a chull me a sils, uderengel; diak lebo ldekimes.

mdesii: (*mdes`ii*)

mdesii a omides er ngii; mdesii a beached er a rael, bdesel.

mdesuii: (*mdesu`ii*)

mdesuii a omdasu er ngii; ngar er a bdelul.

mdid: (*md`id*)

mdid a omdid; locha did; mdidar a dimlak a did er ngii, udidall.

mdidম: (*md`idম*)

mdidম a berrotel e omes; mdedমii, udedমel.

mdiir: (*md`iir*)

mdiir a omdai er ngii; mengurs er a udai, mdai, udiil.

mdimii: (*mdim`ii*)

mdimii a omdoim er ngii; msa odimel, mdoim, udimel.

mdoim: (*md`oim*)

mdoim a omdoim; locha odimel; mdoim a kles, mdimii.

mdois: (*md`ois*)

mdois a omdois; dochel el mo betok; remuul mo er a bab; a taksi a mla mdois a oleng.

mdor: (*md`or*)

mdor a omdor er tir; a blai a mdor a klalo me a rechad; mderengii, uderengel.

mdudii: (*mdud`ii*)

mdudii a omdoud er ngii; msa ududel.

me: (*m`e*)

me a omech a tekoi; kau me ngak me ngii, Calista me tir a mong.

mead: (*me`ad*)

mead a ulekeangel; mangedidai er ngii; mead a cheldechedechal, ilad, ildengel.

meaech: (*me`aech*)

meaech a kikiangel; delasech, diak le kall; delsechel.

meai: (*me`ai*)

meai a ta er a bedengel a ngikel.

Meaiu: (*me`aiu*) (1)

Meaiu a cheleched, chei er a beluu er a Ngerdماu.

meaiu: (*me`aiu*) (2)

meaiu a diak le bechebuchel; ulaol a meaiu e mengeldoech, meaiu a medal el ekebil.

meang: (*me`ang*)

meang a chedaol; melekingel a chelid; meteet a meang, meang el chais.

meanges: (*me`anges*)

meanges a meduch; mekereker, mereched; meanges a rukui a urrerel e me ngosukid.

meaot: (*me`aot*)

meaot a diak; meaot a uchei me a uriul er ngii; ngemed chad er ngii.

meas: (*me`as*)

meas a ta er a bedengel a ngikel.

measem: (*me`asem*)

measem a ilasem; esemii a nglikel, mla measem a ngloik, melasem er ngii, esemel.

